

ლეჩხუმი

გაზეთი გამოდის
1988 წლიდან

საქართველოს კომპარტიის ცაგერის რაიონული კომიტეტისა და
ცაგერის სახალხო დემუტატთა რაიონული საბჭოს ორგანო

№129 (6355) 25 ოქტომბერი 1990 წელი ხუთშაბათი ფასი 3 კაპიკი

საქართველოს უზენაესი საბჭოს დეპუტატობის კანდიდატები


ემზარ კონსტანტინეს ძე გუგავა

საქართველოს უზენაესი საბჭოს დეპუტატობის კანდიდატი ემზარ კონსტანტინეს ძე გუგავა რეგისტრაციაში გაატარა საქართველოს უზენაეს საბჭოში დეპუტატთა არჩევნების ცაგერის №79 საარჩევნო ოლქის საოლქო საარჩევნო კომისიამ.

ემზარ კონსტანტინეს ძე გუგავა დაიბადა 1955 წელს ცაგერის რაიონის სოფელ ქვედა ცაგერში. 1972 წელს დაამთავრა ცაგერის საშუალო სკოლა, იმავე წელს ჩაირიცხა თბილისის სასოფლო სამეურნეო ინსტიტუტის მექანიზაციის ფაკულტეტზე, რომელიც დაამთავრა 1977 წელს ინჟინერ-მექანიკოსის სპეციალობით.

1977 წელს მუშაობდა ცაგერის №91 პროფესიულ-ტექნიკურ სასწავლებელში მასწავლებლად.

1977-1979 წლებში იმყოფებოდა



ფეხობდა სავალდებულო სამხედრო სამსახურში.

დემობილიზაციის შემდეგ 1979 წელს აირჩიეს საქართველოს კომკავშირის ცაგერის რაიკომის საორგანიზაციო განყოფილების გამგედ.

აქტიური მუშაობის განმავლობაში მუშაობდა

1980-1986 წლებში მუშაობდა საქართველოს კომპარტიის ცაგერის რაიკომის ინსტრუქტორად და სოფლის მეურნეობის განყოფილების გამგედ.

ის მეურნეობის განყოფილების გამგედ.

1986 წლის მაისიდან 1987 წლის ივლისამდე არის რაიონული საბჭოს აღმასკომის თავმჯდომარის მოადგილე, აგროსამრეწველო გაერთიანების საბჭოს თავმჯდომარე.

1987 წლის ივლისიდან იმავე წლის ოქტომბრამდე არის საქართველოს კომპარტიის ცაგერის რაიკომის მეორე მდივანი.

1987 წლის ოქტომბერში ე.კ. გუგავა აირჩიეს საქართველოს კომპარტიის ცაგერის რაიკომის პირველ მდივნად, 1990 წლის ივლისში აირჩიეს რაიონული საბჭოს თავმჯდომარედ, სადაც მუშაობს დღემდე.

სკკპ წევრია 1980 წლიდან.

ჰყავს მეუღლე.

დეპუტატობის კანდიდატად დაასახელა საქართველოს კომუნისტური პარტია.

დეპუტატობის კანდიდატის წინასწარჩვენო

პროგრამის თეზისები

ამომრჩევლებმა კარგად იციან, რომ მე, როგორც საქართველოს უზენაესი საბჭოს დეპუტატობის კანდიდატი, წამოყენებული ვარ საქართველოს კომუნისტური პარტიის პარტიულ-სიით. აქედან გამომდინარე ძირითადში ვიწონებ და მხარს ვუჭერ კომუნისტური პარტიის პროგრამაში ჩამოყალიბებულ ისეთ ამოცანებს როგორც:

— საქართველოს სრული სახელმწიფოებრივი დამოუკიდებლობის აღდგენა, მისი ტერიტორიული მთლიანობის დაცვა, ეროვნული სახელმწიფო პოლიტიკური, ინსტიტუტების (ჯარი, სამართალდამცავი ორგანოები, უშიშროების სამსახური და სხვა) ჩამოყალიბება.

— საქართველოს მოქალაქეთა ინტერესების დაცვა, მათი უფლებებისა და პირად თავისუფლებათა სრული რეალიზაცია. სოციალური სამართლიანობის დამკვიდრების შესაბამისი საკანონმდებლო ნორმების დამკვიდრება.

— საქართველოს ტერიტორიაზე არსებული მთელი ეროვნული სიმდიდრის მხოლოდ და მხოლოდ რესპუბლიკის საკუთრებად აღიარება, საბაზრო ურთიერთობათა დამკვიდრება და მეწარმეობის თავისუფლება. ამასთანავე მიმაჩნია, რომ ბევრმა კონსტრუქციულმა და დამოუკიდებელი საქართველოსათვის მისაღებმა

წინადადებამ მოიყარა თავი სხვადასხვა პარტიების საარჩევნო პროგრამებსა და დოკუმენტებში. ამიტომ მიზანშეწონილად მიმაჩნია ახლადარჩეული უზენაესი საბჭოს პირველსავე სესიაზე შეიქმნას სპეციალური სადეპუტატო კომისია, რომელიც დაამუშავებს აღნიშნულ წინადადებებს და შესაბამისი სახით წარუდგენს რესპუბლიკის პარლამენტს აღიარებული კომპარტიკებისა, რომ მთელი ცხოვრება უნდა მოანდომო სწრაფსავე უკეთესისაკენ, მაგრამ კონკრეტული უნდა ვიყოთ ამა თუ იმ ამოცანის გადაწყვეტის უამს.

აქედან გამომდინარე, არ

ჩვეს შემთხვევაში პარლამენტში მუშაობა დამეხმარება უფრო აქტიურად გადაწყდეს ჩვენი რაიონის წინაშე არსებული პრობლემები. უპირველეს ყოვლისა, ეს შეეხება რაიონის ეკონომიკური პოტენციალის შემდგომ განმტკიცებას, დემოგრაფიული და ეკოლოგიური სიტუაციის რეგულირებას, სოციალური სამართლიანობის პრინციპების განუხრელ დაცვას.

ვანიკებთ რა თავისუფალ საბაზრო ურთიერთობას განმსაზღვრელ მნიშვნელობას, ვაღიარებთ საკუთრების ყველა ფორმის შეუზღუდავ განვითარებას, მიგვაჩნია, რომ რაიონში უნდა (დასასრული მე-2 გვერდზე).

შეხვედრა
დეპუტატობის
კანდიდატთან

მოახლოვდა პირველი, მრავალპარტიული არჩევნები. დაძაბული და პასუხისმგებელი დღეები აქვს ქართველ ხალხს. მიმდინარეობს დეპუტატობის კანდიდატთა წინასწარჩვენო შეხვედრები ამომრჩევლებთან.

22 ოქტომბერს სარაიონო კულტურის სახლში მოვიდნენ ამომრჩევლები, მათ შეხვდნენ საქართველოს უზენაესი საბჭოს დეპუტატობის კანდიდატები ცაგერის №79 საარჩევნო ოლქში — მერაბ იოსების ძე გველესიანი, დიმიტრი სტეფანეს ძე ლეთოლიანი, ნაირა გერასიმეს ასული ცხველიანი, გელა ისკანდერის ძე ჩარკვიანი და ჭეშმადღავითის ძე სალინაძე.

დეპუტატობის კანდიდატებმა ილაპარაკეს მოახლოებული პირველი მრავალპარტიული არჩევნების განსაკუთრებულობასა და დიდ მნიშვნელობაზე. ეროვნულ პარლამენტში ჯანსაღი ძალების არჩევის აუცილებლობაზე, ითქვა, რომ ამჟამად საქართველოში არსებული კატასტროფული ვითარება გვაფრთხილებს დიდი გონიერებით, დაფიქრებით ავმალდეთ ვიწროპარტიულ და პიროვნულ ამბიციებზე, ამა თუ იმ პარტიის გამარჯვება არ უნდა იყოს თვითმიზანი, რადგან მხოლოდ ძალთა კონსოლიდაციით თუ მოვევლება საქართველოს გასაჭირს.

დეპუტატობის კანდიდატებს უამრავი შეკითხვა დაუსვეს, რომელთაც გაეცა შესაბამისი პასუხები.

ასეთივე შეხვედრები გაიმართა ორბელსა და უსახელოში.

ეს დღეები სოფლად
იღებენ მოსავალს

უამრავი საქმე და საზრუნავი აქვთ ჩვენი სოფლების მშრომლებს. ვიდრე ამინდი ხელს გვიწყობს, უნდა პოესწროს წლის მანძილზე დიდი შრომით მოწეული მოსავლის აღება-დამზავება.

ვიდრე ყურძენი ჯერჯერობით კარგად არაა სიმწიფეში შესული, ქვედა ცაგერელი მშრომლები სიმინდის აღებას შეუდგნენ. საკმაო ფართობი—105 ჰექტარი უჭირავს აქ სამარცვლე

სიმინდს. მშრომლები კარგ მოსავალს იწვევენ ჭაღის ფართობში, სადაც ყველაზე ადრე შევიდა სიმწიფეში ყანები.

ყანებს კარგად მოუყრეს და შემოდგომაზე ბარაქიანი აქვთ ბუჩუ ახვლედიანს, გივი მუშუდიაანს. ბორის ბერიძეს, გრიშა შეკუბულიანს და სხვებს, რომლებიც პირველები შეუდგნენ მოსავლის აღებას.

გ. შაჰაზულიანი.

საარჩევნო ბიულეტენიდან ამო-
იღო ბლოკი—„საქართველოს
ეროვნული ერთიანობის პარტია
და მთიელთა კავშირი“ მიერ
დასახელებული დეპუტატობის
კანდიდატი ლეთოლიანი დიმიტრი
(მიტუშა) სტეფანეს ძე, ამდენად
იგი კენჭს ადარ იყრის საქარ-
თველთა უზენესი საბჭოს დეპუ-
ტატობა არჩევნების ცაგერის
N 79 საარჩევნო ოლქი.

ძვირფასო ლეჩხუმელებო! რასხან თქვენზე სულ უფრო ხშირად ვფიქრობ, ყველას უკვე ახლოვლად, ლამის შინაურად გთვლით. ვიცი, ეს უფრო სურვილია, ვიდრე სინამდვილე, — სურვილი იმისა, რომ თითოეულ თქვენგანს ვესაუბრო, უშუალოდ მისგან გავიგო, პირადად რა აწუხებს და საერთო, საქვეყნო პრობლემათა გადაწყვეტის რომელი გზა მიაჩნია სწორად.

ვწუხვარ, რომ ამ ჩემს სურვილს, ჭერჭერობით მაინც, ვერ ვასრულებ. მაგონი, მიწეზი საპატოია: სწორედ ახლა ვამთავრებთ საქართველოს ეკონომიკური განვითარების იმ კონცეფციას, რომელიც საქართველოს მეცნიერებათა აკადემიაში ჩემი ხელმძღვანელობით მუშავდება. მინდა ზოგი რამ გითხრათ მასზე იმ იმედით, რომ თქვენთვის ეს უინტერესო არ იქნება.

ფრაგმენტები სათაურით — „საქართველოს სრული ეკონომიკური დამოუკიდებლობის კონცეფცია“ — ჯერ კიდევ შარშან, აგვისტოს მიწურულს გამოვაქვეყნეთ გაზეთ „თბილისში“. თუ რა მთავარი გეზი და ორიენტაცია გვქონდა აღებული, ეს უკვე სათაურიდან ჩანს, იქიდან, რომ მასში სრულ დამოუკიდებლობაზეა მინიშნება, რომ არც აქ და არც მის მოყოლ ტექსტში არც წამოგვცდენია „საქართველოს სსრ“, რომ ამით „საბჭოთა სოციალისტური“ სინამდვილეში თუ არა, ჩვენს ნაწერში მაინც მოვაცილეთ საქართველოს.

ეს იმ დროს, როცა რუსთაველის საზოგადოების კონცეფციაშიც კი, რომელიც იმავე თვეში გამოქვეყნდა, ეს „სსრ“ წამოაუწყო თვალში ეჩხირება კაცს და „შეგანგებულ“ ჩვენი სამშობლოს მიჯაჭვულობას სსრკ-ზე. აღარას ვამბობ — სამთავრობო კონცეფციაზე (იგი ცოტა ადრე გამოქვეყნდა), ამით სულაც არ მინდა ჩრდილი მივაყენო მათს შემქმნელ კოლექტივებს. ან კი რა მეთქმის, ავტორთა სამთავრობო ჭკუაში ხომ თვითონაც ვმონაწილეობდი! სხვათა შორის, უნაყოფოდ არ მიმაჩნია ის მუშაობა, მაგონი რომ ჭკუაშია რეალური ნაბიჯი გადადგა წინ, მიუთითა ზიანზე, რაც საქართველოს ეკონომიკას მოუტანა საბჭოთა სისტემამ. მანაც და რუსთაველმა ძიებას და დასაბუთებას ჭეშმარიტი დამოუკიდებლობის გზებისა. რა ვუყოთ, თუ ყველა სტერეოტიპი ვერ დამსხვრის, შეცდომებიც

დაუშვებს და ვერც ეს „სსრ“ მოიშორებს თავიდან.

სწორედ შექმნილი უმარობის გრძნობამ მოგვაცილებინა ხელი ახალი კონცეფციის დამუშავებას და დღემდე ვმუშავებთ, ვეძიებთ უძირო და უნაპირო საქმეს, ვეძიებთ იმიტომ, რომ ჩვენი სათქმელი გვაქვს და გვინდა იგი მივიტანოთ ხალხთან, ჩვენი სათქმელი გვაქვს საკუთრ-

ების საკითხშიც და ვფიქრობთ, ჩვენი პოზიცია უფრო ახლოსაა ხალხის გულისხმობასთან, ვიდრე ჩვენი მომრავლებული პარტიებისა. განა არ გეჩვენებათ, რომ ეს პარტიები მეტისმეტად გაიტაცა კერძო საკუთრების იდეამ? მე უპარტიო ვარ. ამას ხაზს იმიტომ კი არ ვუსვამ, რომ არცერთი პარტია არ მომწონს, არამედ იმიტომ, რომ ჩემთვის ერთნაირად ძვირფასი რუსთაველის საზოგადოება, სახალხო ფრონტი, მრავალი მაგიდა თუ სხვა პოლიტიკური ორგანიზაციები, რომელნიც მამულისათვის გულმხურვალედ იბრძვიან. ხოლო მათი შეხედულებების სხვადასხვაობა ნუ შეგავსოვთ, ეს ცუდი კი არა, კარგია, ჭეშმარიტება მხოლოდ აზრთა კიდეში იბადება. ბრალი იმისი, ვისაც აზრი საერთოდ არ გააჩნია, ვისაც თავისი თავი არ ადგას მხრებზე და მთელი ცხოვრება თავმჯდომარის ნამდერის მისამდერს მდერის. ბრალი ჩვენი ასეთი ხალხი ისევე თუ ბევრი მოხვდა ჩვენს პარლამენტში. თორემ სხვადასხვა აზრის, მაგრამ მამულის მოყვარული და საერთო მიზნით ანთებული ხალხი უთუოდ გამოხატავს საერთო ენას, ერთიმეორეს ან დაარწმუნებენ, ან დაუთმობენ.

იმას მოგახსენებდით, ჭეშმარიტება კამათში იბადება-მეთქი. საქართველო დღეს გზაგასაყარზეა და რაღა გასაკვირია, თუ უამრავი აზრი ჩნდება იმაზე, რომელ გზას უნდა გავუყუდო. რაღა გასაკვირია, თუ ჩვენი სახელმწიფო და საკოლმეურნეო საკუთრების უნიათობის მოწმეებმა, დასავლეთისკენ დავიწყეთ ცქერა, დასავლური წყობილებით, დასავლური გამოცდილებით დავინტერესდით. მაგრამ

ბევრს ისე წარმოუდგენია, რომ კერძო საკუთრება ჩვენთანაც ერთნაირად ისეთ კეთილ ნაყოფს მოიხსამს, როგორსაც დღეს იქ მიირთმევენ, იმ ქვეყნების ისტორიას, მათ მიერ ტანჯვით გავლილ გრძელ გზას აღარ უყურებენ. არც იმას უყურებენ, რომ კერძო საკუთრების მქონე ყველა ქვეყანა როდია აყვავებული. იმ-

თუ ერთი საწარმო გაკორდა, მეორე ნახულვებს მოგებას და სააქციო კომპანია კვლავ აგრძელებს არსებობას და აყვავებას.

ჩვენი მთავარი დებულება ის არის, რომ ჩვენც უნდა გამოვიყენოთ სააქციო საზოგადოების ეს თვისება — კომპლექსურობა. გამოვიყენოთ და ეგებ გავაუმჯობესოთ კიდევ. სამეურნეო კომპლექსები, რომლებშიც შევაადგილობრივი მნიშვნელობის სხვადასხვა წარმოება და ფასიანი მომსახურება, უსასყიდლოდ უნდა გადაეცეს სასოფლო, ქალაქად კი — საუბნო სააქციო საზოგადოებებს, რომელთა წევრი გახდება ყველა ადგილობრივი მცხოვრები: თითოეულ მათგანს მიეცემა აქცია — მოწმობა იმისა, რომ ერთ-ერთი მესაკუთრეა. უნდა მივალწიოთ იმას, რომ ათასი მანეთის აქცია მაინც ყოველ ადამიანს უფასოდ მიეცეს და კიდევ ათასი მანეთისა — შეღავათიან ფასად, მთელ მოსახლეობაზე გაანგარიშებით, ეს საქართველოს ეროვნული სიმდიდრის მეთაღვე ცოტა მეტია. გარდა ამისა, უკვე რამდენიმე (10-20) სასოფლო და ქალაქად, — საუბნო სააქციო საზოგადოება გახდება ერთობლივი კოლექტიური მესაკუთრე სხვა ფაბრიკა-ქარხნებისა და მეურნეობებისა, რომლებიც ასეთივე შეღავათით უნდა გადაეცეს მათ. ამ გზით ხალხი უნდა გახდეს ჭეშმარიტი მეპატრონე ქონებისა, საბოლოოდ ამ გზით უნდა ჩამოყალიბდეს რაიონული, სახარეო და, ეგებ, რესპუბლიკური საკუთრება, როგორც საკუთრება ადამიანისა, მათი ჭკუებისა, მათი ტერიტორიული ერთობებისა. ხოლო თითოეული ადამიანი განაგებს თავისი ინდივიდუალური საკუთრების ბედს და მიიღებს აქედან სტაბილურ შემოსავალს, რომელიც მას არსებობის საშუალებას მისცემს ნებისმიერი გაჭირვების დროს. პარტიები თავისი მოქმედების პროგრამაში ითვალისწინებენ სოციალური გარანტიების სახელმწიფო სისტემას, ეფაქრობ, სახელმწიფოს მხრივ დახმარება მაინც დახმარებაა, დახმარებულ ლუკმასავითაა, სოციალური გარანტია უწინარეს ყო-

ვლისა თავისივე საკუთრებამ უნდა შეუქმნას კაცს.

კარგა ხანს მოგვიწევს სახელმწიფო საკუთრების შენარჩუნება, მაგრამ მისი ნასაბი-მთლიანად უნდა შეიცვალოს, ჩვენს მეორე არსებითი დებულება სწორედ ისაა, რომ სახელმწიფოს უნდა აეკრძალოს საწარმოთა უშუალო მართვა, იგი ვალდებული უნდა იყოს გასცეს ეს საწარმოები იჯარით (არენდით), გასცეს საჯაროდ და იმგვარი საკონკურსო წესით, რომელიც წააგვს აუქციონს. ასეთ პირობებში ყველა ადამიანს თუ ადამიანთა ჯგუფს (კოლექტივს) თანაბარი შანსი ექნება გახდეს მოიჯარე, დამოუკიდებლად გაუძღვეს მეურნეობას, რაც უნდა ის საწარმოოს, ვისგანაც უნდა იმისგან იყილოს მასალა თუ ტექნიკა, ვისაც უნდა იმას მიჰყიდოს თავისი პროდუქცია, როგორც ვხედავთ, ეს წესი არ გამოირიცხავს მეურნეობის კოლექტიურ გაძღოლას სახელმწიფო მიწაზე, მაგრამ არ გამოირიცხავს არც ინდივიდუალურ გლეხურ მეურნეობებს. ვისაც როგორი წესი სურს, ისეთი უნდა აირჩიოს იმის შესაბამისად, თუ როგორია ბუნებრივი პირობები, ადამიანთა შრომითი ტრადიციები და ურთიერთობა, რა სახის მეურნეობას ეწევიან და ასე შემდეგ.

რას მეტყვით თქვენ, ძვირფასო ლეჩხუმელებო?! მოგწონთ თუ არ მოგწონთ ასეთი ფორმები საკუთრებისა? თქვენი აზრი ამის შესახებ ჩემთვის არანაკლებ დასაფასებელია, ვიდრე ჩემს სასარგებლოდ მოცემული ხმა. ეგებ ისიც მოვახერხოთ, რომ რაიონის მოსახლეობასთან და ხელმძღვანელობასთან შეთანხმებით, ეკონომიკის ინსტიტუტმა პირველად სწორედ ლეჩხუმში განახორციელოს ჩვენი ეს წინადადებები? თუკი დაინტერესდებით, მომწერეთ მისამართზე: 380008, თბილისი, ბარნოვის 23. ამავე საკითხზე შეგიძლიათ გაეცნოთ ჩემს სტატიებსაც. ვისაც გაზეთი „თბილისი“ მოგვით, ეგებ თვალშიც მოგვხდეთ ჩემი ვრცელი წერილი „კერძო თუ საზოგადოებრივი?“ იგი გაზეთის ოთხ ნომერში — 8, 9, 10 და 11 ოქტომბერს გამოქვეყნდა.

მერაბ გველსიანი,
საქართველოს მეცნიერებათა აკადემიის ეკონომიკის ინსტიტუტის განყოფილების გამგე, საქართველოს უზენაესი საბჭოს დეპუტატობის კანდიდატი საქართველოს სახალხო ფრონტიდან ცაგერის №70 საარჩევნო ოლქში.

გზაგასაყარზე

ზოგი რამ
თავისუფლების
გზის შესახებ

ვისაც უკეთესი საქართველო გინდათ

გირჩევთ ხმა მისცეთ №1 საარჩევნო ბლოკ „თავისუფლებას“.

იგი იბრძვის თავისუფალი, სამართლებრივი, დემოკრატიული საქართველოსთვის.

იბრძვის არა ძალადობით, ამბიციებითა და ურთიერთმტრობით, არამედ თანამედროვე ცივილიზებული მსოფლიოსათვის მისაღები პოლიტიკური გზებით.

ბლოკ „თავისუფლებასში“ შემავალმა პარტიებმა: რესპუბლიკურ-ფედერალური, პარტია „დას“ (დემოკრატიული არჩევანი საქართველოსთვის), ლიბერალურ-დემოკრატიული ეროვნული პარტია, მწვანეთა პარტია, ეროვნული თანხმობის ასოციაცია, ქრისტიანულ-დემოკრატიული

კავშირი და მათმა ლიდერებმა ბატონებმა ირაკლი შენგელიამ, რევაზ შავიშვილმა, მიხეილ ნანეიშვილმა, ზურაბ უვანიამ, ალექსანდრე რუსთკიამ და ირაკლი კაკაბაძემ დღემდე გაწეული მუშაობით დაამტკიცეს, რომ ღირსნი არიან იყვნენ საქართველოს პარლამენტში, იბრძოდნენ უკეთესი საქართველოსთვის.

ძვირფასო ლეჩხუმელებო! გთხოვთ ხმა მისცეთ „თავისუფლებას“, ის საარჩევნო ბიულეტენში პირველი ნომრითაა აღნიშნული.

შემოხაზეთ №1.

ნაირა ცხველიანი,
საქართველოს უზენაესი საბჭოს დეპუტატობის კანდიდატი.

მთავარია მოწოდებას მიაგნო

ჰომეოპათი ჩვენგანს ერთი რაღაცისადმი მაინც აქვს მიდრეკილება, რაც მის მომავალს განსაზღვრავს. მთავარია მიაგნო მოწოდებას, მთავარია არ შეგშალოს. ამაში სხვა ვერ დაგეხმარება, თვითონ უნდა გაერკვე, თუმცა კაცის ბედი შეიძლება რაიმე, თითქმის უმნიშვნელო გარემოებაზეც გადაწყვიტოს.

პარტიკანური მამუკა მეგრელი განეკუთვნება იმ უხმაურო მუშაკთა რიცხვს, რომელთა საქმიანობა არ არის რეკლამირებული. ის არის ერთ-ერთი ჭეშმარიტი პროფესიონალი.

დღეს, როდესაც ასე გაძნე-

და მშრომელთა საყოფაცხოვრებო მომსახურება, რა მნიშვნელოვნად ეღერს სიტყვა-მოწინავე. მამუკა მეგრელი 7 წელია, რაც ორბელში არჩეული პროფესიით მუშაობს, ერთგულად, პატიოსნად და წესრიგიანად ემსახურება ხალხს. ამიტომაც არ უჭირს მიცემული დავალების შესრულება. წლის განვლილ 9 თვეში მოსახლეობის საყოფაცხოვრებო მომსახურების სამმართველოს ანგარიშზე 1530 მანეთის ნაცვალად 1551 მანეთი შეიტანა.

—დავალებას რომ ყველა უნდა ვასრულებდეთ, უწინარეს ყოვლისა, ეს ცხოვრების მოთხოვნაა. თუ სათანადო დისციპლინა — შრომის, საგემო, სახელმწიფო დისციპლინა არ გვექნა, როგორღა მოვიპოვებთ ეკონომიკურ ძლიერებას დამოუკიდებელ საქართველოში. — ასე სწამს ახალგაზრდა კაცს.

მამუკა მეგრელი მარტო პარტიკანერი როდია, საკარმიდამოს-

თან ერთად შარშან იჯარით აღებული 1700 კვადრატულ მეტრ ვენახსა და 2000 კვადრატულ მეტრ სასიმინდეს უვლის. გული წყდება, რომ სხვისგან აღებული ზეარი ჯერ კიდევ ვერ გამოაბრუნა, წელს ვერა და, გაისად კი უხვ მოსავალს მივიღებო.

სამი შვილის მამა ახალმოსახლეობს. იგი პატიოსანი შრომის სიყვარულს უნერგავს შვილებს, რომლებიც ჯერ ორბელის საშუალო სკოლის მოსწავლეები არიან.

მოვალეობას რომ შეიგრძნობ, თამამად შეგიძლია თქვა, რომ საქმე ნახევრად გაცემებულია. მთავარია ადამიანების წინაშე ვალდებულია ჩათვალოს საკუთარი თავი და ავეთო ის, რაც შეგიძლია, ამბობს მამუკა.

ახალგაზრდა სპეციალისტ ვესურვოთ წარმატება, კეთილგანწყობა იმათ მიმართ, ვისაც ასე სჭირდება მისი ოსტატობა, სიბო და კეთილი ღიმილი.

ბ. ბაპრაძე.

გაზრდისკენ

მიმავალი

ქველი

გზა

(დასასრული)
და ტარიფების ცვლილებები
მატების მხრივ მომხმარებელთა
გეგმა, ტრანსპორტზე, პირდა-
პირ ან არაპირდაპირ ეხე-
ბოდა თითოეული მეურ-
ნეობის ეკონომიკას, აიძულებდა

მათ გაეღოთ. მსხვერპლი სო-
ფლის სოციალური სფეროს
განვითარებისათვის, უარი ეთქვ-
ათ მათი სიძვირის გამო და
ახალი ტექნიკის შეძენასა და
სხვა მრავალზე.

და მართლაც, უკვე დიდი ხა-
ნა სოფლის მეურნეობა მრეწ-
ელობასთან თავის ურთიერთობ-
აში ეკონომიკურად დაჩაგრუ-
ლია. თუ მათს რენტაბელობას
შევაღრებთ, მრეწველობაში იგი
შეადგენს საშუალოდ 15 პრო-
ცენტს, ხოლო სოფლის მეურნე-
ობაში—9 პროცენტს.

რასაკვირველია, სახელმწიფო
ბიუჯეტი უძირო კასრი როდია.

და ამჟამად გვთავაზობენ სხვა-
დასხვა ვარიანტებს, რათა შევა-
ვსოთ იგი. მაგრამ როგორც
უნდა იყოს კვების ძირითად
პროდუქტებზე საცალო ფასების
მომატება—ეს კი თითქმის 30
პროცენტია — მოსახლეობისათ-
ვის მათი ექვივალენტური კომპ-
ენსაციის გარეშე იგი შეუძლე-
ბლად მიგვაჩნია.

უმნიშვნელოვანესი სიახლეა

ისიც, რომ ამერიკიდან შესასყი-
დი ფასები ყოველწლიურად კო-
რექტირებული იქნება! ეს არა-
ცხად სრული დემოკრატიული
ბიზნის პრინციპია. რენტაბელო-
ბისა და რეგიონების აზრის
გათვალისწინებით, ქალაქებსა და
სოფლებს შორის სრული ურთი-
ერთშეთანხმების საფუძველზე.
მაგალითად, გადაწყვეტილია,
რომ რუსეთში რძის შესასყიდი
ფასები სხვადასხვა იქნება—სა-
ხოვრებელ ზონებზე დამოკიდე-
ბული.



ეთერი დადასრულდა ახალ ჩაბნეობას მერაბ ზივიძისა და განიძის

გილოცავთ ბედნიერებას, სიხარული და სიყვარული
ყოფილიყო თქვენი ცხოვრების თანამგზავრი, შეილთა
სიმრავლეს დაემშვენებინოს თქვენი ახლადშექმნილი
ოჯახი.

ნაწული, გუშერ ბენიძეები, გულნაზი,
სოზარი, მაყვალა, იური, გოგუცა, დუგლასი
ომანაძეები.



მზია ალექსანდრის ახალ სვანობას

გილოცავთ ქალიშვილის სამედიცინო ინსტიტუტში
მოწყობას. კვლავაც მრავალი სიხარული განგეცადოთ
თქვენი შეილებსავე.

ამირან, მარინა, მაყვალა, მანანა
კვირკაშვილები.

მარინა, მამუკა თვარაძეებს

გილოცავთ ვაჟიშვილის შეძენას, გაზრდილიყოს ნამ-
დვილი ქართველი ვაჟი. შეილთა სიმრავლეს დაემშ-
ვენებინოს თქვენი ფეხ-ქერი, გაელამაზებინოს ცხოვ-
რება და მიზანი თქვენი!

მაყვალა, ციცინო ლიპარტელიანები.

დავით კაკიბონისა და კოვანიანს

გილოცავთ 60 წლის შესრულებას, გისურვებთ ხანგრ-
ძლივ სიცოცხლეს, ნაყოფიერ შრომით საქმიანობას
სახალხო განათლების სფეროში, ნუ მოგვლებოდეთ
სიხარული.

ჩხუტელის საშუალო სკოლის პედაგოგიუ-
რი კოლექტივი.

მიზა სოფრომისა და მიქაძის

გილოცავთ 60 წლის შესრულებას, დიდხანს სიცოც-
ხლესა და ჯანმრთელობას გისურვებთ.

ძმისშვილები რაინდი, ლეილა და ლალი
მიქაძეები.

ნინო გარიძის ნუგზარ სალინაძის

გილოცავთ ქალიშვილის შეძენას, გაზრდილიყოს
ერის სასახლო ქალი.

აგრომრეწვანის ცაგერის განყოფილების
თანამშრომლები.

ნიუ-იორკიდან ინგლისში... პოტლით

ლონდონი. ყოფილი მედესან-
ტი ტომ მაკლინი გახდა ისტორი-
აში პირველი ადამიანი, რომელ-
მაც ატლანტიკის ოკეანე გადასე-
რო... ბოთლით, ზუსტად ბოთლის
ფორმის მისმა პატარა გემმა ფი-
ნიში დაასრულა ფოლმუტში
(კორნუოლი), მრავალმილიან გა-
დასვლას ნიუ-იორკიდან ინგლისა-
მდე მან 37 დღე-ღამე მოანდომა.
ნაპირთან მისვლისას ზღვაოსანს

იახტებისა და კატერების ფლოტი
მიესალმებოდა, ხოლო ნაპირზე
მეუღლე და ორი შვილი. „გინე-
სის რეკორდების წიგნის“ მომა-
ვალ რეკორდსმენს ტრადიციისა-
მებრ ბოთლი შამპანური მიარ-
თვეს.

47 წლის მაკლინი ზღვაოსნობის
ვეტერანია. მან მარტოდმარტომ
უკვე ოთხჯერ გადასერა ატლან-
ტის ოკეანე. 1983 წელს—ყველა-
ზე პატარა, თითქმის ორ მეტრზე

ცოტა მეტი სიგრძის იახტით.
1987 წელს კი მან ნიჩბით
ტრანსატლანტიკური გადასვლის
სინაზის რეკორდი დამყარა,
და თითქმის 8 ათასი მილის
მანძილი 54 დღეში დაფარა.
(საპაქსი)

რედაქტორის მოადგილე

მ. ქველამაძე.

მეუღლე ნუცა, შვილები სპარ-
ტაკი, მაყვალა, ნანი, ძმა მიშა,
და ფაფალა, რძალი გულო, სე-
ძეები გიზო მშვილდაძე, ელგუჯა
ხაზარაძე, ჟორა გუგავა,
გაუა ხალიანი, შვილიშვილები
ნათია, შოთიკო, თამარიკო, ნინო,
დისშვილები, ძმისშვილები, მამი-
დაშვილები, დედაშვილები,
ბიძაშვილები იუწყებიან, რომ
გარდაიცვალა

შალვა ერმილეს ძე

კვირკაშვილი

დაკრძალვა 28 ოქტომბერს, კვი-
რას, სოფ. ჩხუტელში

ბიძაშვილები როდამი, კარლო
კვირკაშვილები ოჯახებით იუწყე-
ებიან, რომ გარდაიცვალა

შალვა ერმილეს ძე

კვირკაშვილი.

შოთა სალინაძე, ანზორ კვირ-
კაშვილი, კუკური, გურამ ბერი-
ძეები, ბუბუ — გურული, შალვა
ყურაშვილი, ნორა კოპალიანი,
გრიშა ბენდელიანი თანაუგრძნო-
ბენ დადაში, ზურაბ ჩაკეტაძეებს
სიძის

დადაში ლეთოლიანის

გარდაცვალების გამო.

აგროსამრეწველო გაერთიანების
აგროსატრანსპორტო საწარმოს
კოლექტივი ღრმა მწუხარებით
იუწყება, რომ გარდაიცვალა
ამავე საწარმოს მძღოლი

შალვა ერმილეს ძე

კვირკაშვილი

და სამძიმარს უცხადებს განსვენ-
ებულის ოჯახს.

ვლადიმერ ხეცურიანი ოჯახით
იუწყება, რომ გარდაიცვალა
დავით გერასიმეს ძე ყურაშვილი

სანებილსადგურის თანამშრომლე-
ბი თანაუგრძნობენ თინა ბობოხ-
იძეს ძმის

აკაკი იაკობის ძე თვარაძის
გარდაცვალების გამო.

რაიონის სამედიცინო საზოგადო-
ება იუწყება, რომ გარდაიცვალა
დავით ყურაშვილი
და სამძიმარს უცხადებს განსვენ-
ებულის ოჯახს.

შოთა სალინაძე, ანზორ კვირკა-
შვილი ოჯახებით იუწყებიან

შალვა ერმილეს ძე

კვირკაშვილის

გარდაცვალებას.

ქვედა ცაგერის არასრული სა-
შუალო სკოლის პედაგოგები
თანაუგრძნობს ნაწული, ნუშარი
ლეთოლიანებს ძმისა და მასლის
დადაში ალექსანდრეს ძე
ლეთოლიანის
გარდაცვალების გამო.

უახლოესი მეზობლები: ზაურ
მუშუტლიანი, ზაურ ჩიჭოვანი,
შურა ბერიძე, იური ბენდელიანი,
მალაქი ლიპარტელიანი, გივი
ლეთოლიანი, გერონტი ცვარიანი,
ლუდუკი ბენიძე, ენგელი აფრი-
დონიძე იუწყებიან, რომ გარდა-
იცვალა

დადაში ლეთოლიანი.

ცაგერის მეფრინველეობის ფა-
ბრიკის თანამშრომლები იუწყე-
ბიან, რომ გარდაიცვალა ფაბრი-
კის ყოფილი დირექტორი
დავით გერასიმეს ძე ყურაშვილი
და თანაუგრძნობენ განსვენე-
ბულის ოჯახს.

სოცურზრუნველყოფის განყოფი-
ლების თანამშრომლები თანაუგ-
რძნობენ მაია და ჯონი ხალია-
ნებს ბიძის

შალვა ერმილეს ძე კვირკაშვილის
გარდაცვალების გამო.

ცაგერის სახ-დაზღვევის ინსპე-
ქციის თანამშრომლები თანაუგ-
რძნობენ თემური ჩაკეტაძის ბიძის
დადაში ალექსანდრეს ძე
ლეთოლიანის
გარდაცვალების გამო.

სოსო სილაგაძე, გრიშა, გენადი,
მურადი, როლანდი კვირკაშვი-
ლები ოჯახებით იუწყებიან, რომ
გარდაიცვალა

შალვა ერმილეს ძე

კვირკაშვილი

და სამძიმარს უცხადებენ განსვენ-
ებულის ოჯახს.

უახლოესი ნათესავები: ზურაბ,
შალვა, მურთაზ, გუგუ, ანეტა
სვანიძეები, დოდო, სოსო, ვახ-
ტანგ, ანზორ, სოზარ კვირკაშვი-
ლები, ჟორა, ლიონერ მეშველი-
ანები, ჯაბუ, რეზო ტვილიდა-
ნები, ნაზი ლიპარტელიანი, ამი-
რან გვიშინი ოჯახებით იუწყე-
ბიან, რომ გარდაიცვალა

შალვა ერმილეს ძე

კვირკაშვილი

და თანაუგრძნობენ განსვენებუ-
ლის ოჯახს.

თანაკლასელები: მზია ფალავანდ-
იშვილი, ყუყუნა შეკუბულიანი,
სონია ბუაძე, ოთარი ყურაშვი-
ლი, ოთარი სილაგაძე ოჯახებით
იუწყებიან, რომ გარდაიცვალა
შალვა ერმილეს ძე კვირკაშვილი
და თანაუგრძნობენ განსვენებუ-
ლის ოჯახს.

რაიონულიკლინიკა-საავადმყოფოს
თანამშრომლები თანაუგრძნობენ
დარეჯან ლეთოლიანს ბიძის

დადაში ლეთოლიანის

გარდაცვალების გამო.

ვაჟა აქესენტის ძე ხალიანი ოჯა-
ხით იუწყება, რომ გარდაიცვალა
შალვა ერმილეს ძე
კვირკაშვილი.